

من نقاش حول معضلة لبنان:

لبنان هو ارض من قديم وجاي. هالارض انقسمت بين شعبيّن / اَمْتَيْن / ثقافتَيْن / إثنيّتين / قوميتين (وزيادة، ديانيتين) من وقت الفتوحات الاسلامية.

بالتالي نحنا (يلي اسمنا اليوم "مسيحيين") خسرنا عموماً باقي لبنان يعني القسم الخارج عن جبل لبنان الشمالي (باستثناء مناطق نسبياً)، صارت متلا مثل باقي المشرق بالنسبة لنا: ما فيا اي وجود سياسي وثقافي عام لالنا.

بعدان بال ١٩٢٠ رجعت بكركي ربطتنا بكل لبنان (لاسباب معينة) وكأنو كل عمرنا لبنان كلو لنا ولازم يكون قلبنا عليه، بوقت لنا ١٤٠٠ سنة ما متعاطى بالمناطق يلي خسرناها (الا شوي من بعد ١٩٢٠).

فصرنا ندافع عنو من بعد ١٩٢٠ اي بما فيه تلتينو يلي مش لنا، بوقت سكان هالتلنن، بغالبين الساحة، ما بيعتبروه بذات المقام بالنسبة الن مثل ما نحنا منعبره بالنسبة لنا. مناطق بالنسبة الن هي متلا مثل بلاد الشام وفلسطين ومصر وبت مد القصة للعالم العربي والاسلامي... نحنا مقامو عتاً هو انو يكون غير كل المحيط.

النتيجة: كل ما ضحينا بالفدرالية او بالتقسيم، كل ما غرق آخر موطن قدم / حصن / معقل لالنا يلي هو جبل لبنان الشمالي.

على انو الفدرالية ما بتتبط بلا لم السلاح وفرض سلطة وهيبة الدولة.

والفدرالية بتحفظ مناطقنا الزغيرة برات جبل لبنان الشمالي بالدستور، ومش بتسامح من هون وبمصالحة من هونيك.

والتنازل يلي بينحكى فيه، اي التنازل عن قسم من لبنان نهائياً، بصير بالتقسيم. بالفدرالية بضل في رابط ضمن بلد واحد.

وهالتنازل، اذا صار في تقسيم، رح يردنا لقبل ١٩٢٠، حيث من ١٤٠٠ سنة، تلتين لبنان مرتبط عضوياً بالمحيط من سوريا لايران ولمصر (الامويين، العباسيين، السلاجقة، المماليك، العثمانيين، فيصل، عبد الناصر، فلسطين، سوريا، ايران...).

اكيد نحنا من فضل فدرالية (يعني بالعربي الاتحادية).

بس بدنا نشوف اخواناً شو بدن.